

湖南府縣志輯

光緒會同縣志
康熙靖州志
光緒靖州直隸州志

K296.4
10
46

中國地方志集成

湖南府縣志輯 ⑥4

光緒會同縣志

康熙靖州志

光緒靖州直隸州志

江蘇古籍出版社●上海書店●巴蜀書社

重修會同縣志序

古無所謂志也然禹貢紀九州名山形勝水道風俗以及田土賦貢物產之等則國風驗列國風俗盛衰政治得失皆爲後世志乘之權輿焉論者謂楚風不入葩經以屈子楚辭補之然周南之江漢汝墳非卽後之楚域乎鬻熊爲文王師非楚之人物乎楚檇杌與魯春秋孟子以爲一也其不與春秋並傳者未經聖人筆削之故然未聞孔子有辭書社之封可見普天率土大聖人物與民胞一同仁視楚享國旣久三戶亡秦之謠詠名秦亡楚實楚亡秦則楚之富強甲於天下誰謂不然或曰子所云乃概論全楚大局非

會同縣志

敬

所論於一都一邑也若會同僻處遐陬夜郎故地地瘠民貧風俗頽壞尙能與省會抗衡乎答曰邊隅遜省會各省各邑皆然然十步之澤尙有芳草提封百里豈無膺後先疏附之選天之降才有或殊哉會同奉文重修志乘爲採入省志之資蓋匯邑志以成省志未嘗以會邑僻陋遐荒非聲名文物之邦遂棄置不問也余承乏於茲會逢其適竊維氣運有升降風俗有轉移道德一風俗同氣運自蒸蒸日上是在宰斯邑者善爲主持拊循耳會邑在省垣西南距省千二百里論分野自張十七度至軫十一度爲鶉尾論疆域腹地分爲二十二里東南廣共二百二十里南

北袤共百里西南接壤黔之天柱縣幅員遼闊如此論沿革在夏爲荊州之域周末時皆隸於楚秦爲黔中魏漢爲武陵魏尋改爲牂牁三國時隸於蜀晉復武陵魏隋置沅陵魏唐爲朗溪縣宋改爲會同縣屬靖州

國朝雍正八年以會同爲靖州首邑其制始定論水道則發源粵西經流靖州所屬通道繞靖州入縣治南五里之渡頭河北匯朗水沅水芷水至洪江經下游辰州入洞庭其源遠者其流自長論名勝則有天馬金龍之奇特沅江朗水之潏洞雪峯華峯有前賢魏文靖題咏之詩手植之桂白社山爲詩人李青蓮結

會同縣志

敬

社遺踪能醫腹病者更有萬仙井其地靈者其人多傑故鍾靈毓秀梗楠杞梓代有聞人如忠孝廉節之懿行嘉言博學通儒之宏篇鉅製指不勝屈皆載入人物列女藝文諸門可考而知論風俗則男耕婦爨衣服飲食節省樸實有唐魏勤儉風與省會彬彬文質者有異田賦可爲准正之供物產足濟列邦之用士食舊德農服先疇夫何讓於他邑且會之洪江乃五溪中之雄溪出入滇黔通衢商賈輻輳如竹木茶桐及一切貨物雖未必盡產於本地而由上游必經百貨叢集尤爲閭邑精華諸侯時見曰會殷見曰同會同之名良不虛也縣治距洪江百二十里市廛遠

不及焉縣城建自宋時不在洪江而在此地者以此地逼近天柱爲控制黔界保障立法未始不善迨後黔氛不靖撓及楚疆兩失縣城兵燹後城郭人民非復舊觀可見制治保邦在成城眾志不在表裏山河也今黔氛雖云粗定而伏莽仍未淨除腹地仍難安枕籌邊之策不能不講勿以鄰國爲壑尤勿以腹地納污至若衙署廟宇書院汎地之久廢或草草修而未竣或全未舉修瘡痍未復故爾遲遲宜籌及之此固膺民社之責亦在地方強而有力者爲之提綱挈領庶集腋成裘眾擎易舉矣自前任開局以來主稿有人採訪有人繪圖有人繕書有人讐校有人監工

會同縣志

三

有人遴選都人士之錚錚者各司其事以歸責成而昭覈實今閱稿本分門別類綱舉目張每門各立小序視嘉慶己卯纂修舊志或增或刪或詳或畧無微不錄有美必彰今昔情形各殊新舊體制自別既可徵一邑之文獻即可供省志之取裁焉志中梗概發凡起例舊序新序皆詳無俟更僕若鄙會邑風土人情爲卑卑不足道未免輕量天下人物故辨及之而付剞劂告厥成功

光緒元年歲次乙亥季秋月榮陽孫炳煜識

會同縣志舊序

邑之有乘邑之華也粵自文治既啟日盛月新志乘之作所以文其地也我

朝文教誕敷車書萬里版圖所訖罔不競陳盛美輯爲成書上貢

天庭以供垂采此天下之大文也予奉

命刺靖於今五年靖之屬邑會爲長水帶明雄而石榴金龍諸峯高聳雲表澄流秀峙實毓多英乾隆癸酉以前前志具矣逮今茲幾七十年山川不改人事日增使無通曉時務者起而續之遺留之掌故就湮故老之傳聞莫考一邑政典不幾委諸荒煙蔓草乎時方

會同縣志

敬

一

伯鳳西先生詳奉大府檄修南省通志以其事下各郡縣會宰丁蔚兩君未及舉行先後去任戊寅春吾杭朱君澍來權斯篆汲汲以茲爲急務謀之邑人釀金集事將脫稿適謝篆長樂陳君心炳踵至繼加參訂乃奏厥成繕本屬予敘之予維志家類皆自定規模各出機杼故能縱橫馳騁上下古今茲款目則遵奉發之格式事實則据本邑之有無以事就目欲遷地以爲良以目統事必片言而居要經營衡劑備運匠心不存五日京兆之見冀成千秋不朽之業亦賢矣哉陳君踵事玉成克竟厥緒不賢而能之乎語曰莫爲之前雖美弗彰莫爲之後雖盛弗傳予既樂是

書之成且以嘉兩君之志於是乎書

嘉慶二十有四年歲次己卯冬十月中辭之五日

欽加知府銜

誥授朝議大夫知湖南靖州直隸州事仁和諸嘉杏譔

舊序 嘉慶己卯

邑令 朱樹

嘉慶戊寅春予權會同甫視事奉大府檄促修邑乘吏以牘進則已厚盈數寸閱之蓋自丙子以來前尹丁蔚兩君頻奉文檄拊摑未有端竊自維念兩君子以儒術飾吏治且久於其職獲上而信民其所就尙若是予不敏懼無以副大府命既又思之邑之有乘政教之大者重以大府命且數年於茲予又何敢以

會同縣志

二

不敏辭謀之邑廣文夏君湘漁羅君軫楚少尉陸子錦園以共謀於邑紳若士若民僉曰邑志曠經六十餘年義不可已現修通志詎闕一邑又勢不能已事在吾儕其將奚辭於是奔走僭來釀有成數開館舍慎採訪館之中有總纂分纂校錄典費若而人採訪則二十有二里里各一籍籍各三數人分之則不勞費之則無漏釀花作蜜集腋爲裘庶幾計日而觀厥成矣會卸篆不克卒業長樂陳君葭塘學而優者也加意督催精心考訂以竟予將竟之業而予以勾稽代務未能卽舍父老去遂得目覩是書之成獲免有初鮮終之憾以無負大府命此邑人之幸實予之幸

也予不敏不敢以文自見祇紀其原委如此乾隆癸酉于公文駿修邑志甫脫稿旋引疾涪州陳公于宜踵成之後先昭合亦異事也併記之

舊序 嘉慶己卯

邑令 陳心炳

幅員曰既長土宇曰孔厚氣運所由興隆也我國家重熙累洽

久道化成六合同風九州共貫讀一統志以及郡邑志猗歟盛哉誠爲前古所未有矣己卯夏四月余奉憲委署會邑甫視事吏卽以邑志進余細爲閱之竊歎夫會雖僻處南徼其被

德教之涵濡固已蒸蒸向善日臻夫遵道遵路之休記事

會同縣志

三

者正不僅摘藻揚芬爲山川人物紀盛也繼而前任晚邇朱君復以新志稿見示曰此遵大府所頒格式本舊志而增修焉者也朱君素優於吏治舉一邑之風土人情無不洞悉於胸中併得與諸君子上下其議博採兼綜宜其編成卷帙有美畢具無德不彰也至於門類所分間有採訪未確者則闕而不書不敢以附會滋疑又何其慎也夫舊志修於數十年前以前事之積而日盛者咸有待以供甄錄於後人茲奉檄續修省志而因以分修一邑之志俾三江紀載煥然一新直與中州之文獻相頡頏顧謂非厚幸耶余不敏下車伊始適值新志之告成得以列名其上與有

榮焉且二十二里中若者當爲之興若者當爲之除所以宜民而善俗者新志較詳於昔其爲吏治之助豈淺鮮哉余其重有遺乎益以慶斯邑之遭也

原序

明嘉靖四十三年

邑令蕭標

竊維郡邑之有乘其來久矣昭軌物該古今觀風者所必采焉昔成王相宅於洛周公告以大情典孔子嘆杞宋之無徵亦以文獻不足故耳會同肇邑迄今百餘年豈無故家遺俗流風善政可述可傳者但舊無紀載末由稽考壬戌冬余自武康來莅茲土思者究利病之原索志而無其簡喟然歎曰是余責也於時奔馳之里甲方疲於衝繁藏修之雋士方病於無

序

四

會同縣志

所日惟補偏塞罅課業程工而未之遑今歲春蒐集舊聞始得靖州志既得前邑博邱君珮遺稿後又得太學生龍廷璽廷弼續錄州志邱君稿十存二三龍君續錄要而弗詳而沿舊綴新統紀未一幸吾莆周君希文博學敦行風擅著作之才授經武陽因而延致屬以秉筆更謀諸僚友韓君耀卿致仕唐君仁寶廩生石子王銘暨廷璽輩相與編次復與教諭董君瑤訓導陳君世仁校正告成余見其敘事詳而有體措辭巽而有法辯異正而不誣作而喜曰是可以志吾會矣乃陳之上官壽之梨棗君子觀沿革志則思守土之責匪輕觀分野志則思庶徵之驗不爽觀田

賦志則思祁寒暑雨之艱所欲與聚觀建置志則思興作之重有舉莫廢觀風俗志則思革薄從忠必慎

所以感之者觀禮制志則思禮教之大觀於鄉而知王道之易觀官蹟人物志則思景行先詰培養善類觀方外志則思崇正闢邪遵道遵路志之所繫大矣顧予非其人也願以俟後之君子

原序

國朝康熙癸丑

曹興隆

男稽周禮職方氏掌邦國都鄙之圖太史陳時納賈與人負版籍而登民數郡縣之志義取諸此也余剖符會邑甫近一載憲檄日下徵取邑乘以備南楚完書值邑經兵燹之餘舊聞放逸問藏書於柱下粹無

序

五

會同縣志

以應余是以鯁鯁仰屋未幾而邑之紳士向秦灰魯壁拾殘篇以進展視之乃知邑志自明嘉靖甲子纂修後遂絕筆曠百餘載矣計此百年中天道人事物情土宜不知凡幾變遷若非考覈精詳其能輯故增新闕疑存信乎余公退之暇殫心編集凡天時地利山川土田賦役圖籍以及官師食貨人物藝文之類區別臚列其條理節目盡有端緒然猶慮辭不馴雅意無統綜故敷辭命意必詳而有體巽而有法庶不至鄙倍也爰謀諸邑博楊君逢正協一乃心參補校正仍屬邑紳士廣爲咨諏俾輿論僉同編次成帙既

古進文獻爲望邑庶幾哉備

聖天子觀風采俗披輿圖而周知遐方之利病其在茲矣
閱兩月書成雖不謂引據經義續大書特書之筆而
一邑之鉅纖畢舉事既云備而義亦寓於斯實既云
核而治亦著於斯以志會同不亦可乎故書之以付
剞劂並以應上官之命

原序

邑令 于文駿

事之一本散爲萬殊萬殊同歸一本者舉凡天壤內
洪纖巨細莫不有是道以存乎其間方今

聖天子首出庶物萬國咸甯同軌同文車書一統尺地一
民要皆包涵覆載其一切山川貢賦疆圉分司附隸

會同縣志

序

六

版圖以爲天經地義垂諸億萬斯年而繼往開來於
弗替者則今之一統志是矣然一統志之所以成編
定集則又本諸各府州縣分司之疆圉彙而輯之故
志書之備未便於彈丸小邑置而弗講譬猶北辰之
樞眾星尾閭之匯百川其廣大狹隘雖判天淵而於
會源歸極之處因端見委則邑乘誠統志之萬殊統
志乃邑乘之一本也憶雍正甲寅歲先君子奉

命纂修

闕里志駿時隨侍幸窺

聖人堂陞恭覽先哲遺徽見其流風餘韻展卷神馳羹醯
如見因思古今千百年後之賴以不刊者志書實

國家之大政焉

闕里志既成余亦就學都門丁巳歲忝與南宮

廷試後卿

命出宰直隸之唐縣既丁生慈艱服闋赴楚始莅桃源既
署巴陵甯鄉每下車輒披閱各志未嘗不往復流連
而嘆我

朝之政教雖遐邇遠谷靡不漸被暨訖其疆圉之大一
統而莫不尊親者誠三代以上聖帝明王之所未逮
也歲甲子承乏會同視事後卽擬將境內山川土田
民風習俗務得其詳爰取邑志覽之知康熙初邑令
曹君得於寅卯燹餘半屬殘篇斷簡維時斯民方登

會同縣志

序

七

征席是以他務未遑幸曹君纂輯成篇獲存什一於
千百雖卷帙不無混淆門類不無紛隳或繁而未得
其要簡而不見其該其時非不欲條達兼綜祇以頭
緒茫茫無從措手曹君之志亦良苦矣茲當海宇奠
安四民樂業徵文考獻其在斯乎且奉各上官檄飭
重修予不敏竊祿十載於茲山川田賦土俗民情見
聞所及頗無遺佚乃延邑紳梁君嘉瑜爲總理邑諸
生唐舜林基嶽楊世灝唐守灼爲較訂其或從前未
經編載或雖載未得其詳或土田之漸廣人文之日
新一切應行補續者非考諸土著之家乘卽採諸道
路之口碑極廣搜而博覽盡二載以經營既不敢繁

稱亦不敢草畧查核再三總期信今傳後將見賦廣民殷齒繁風厚啟斯文以上佐

天子休明之治因以出爲

國家楨幹之材所謂人傑地靈又豈拘於偏隅小邑而謂其不足以備統志之採擇也哉

原序

邑令 陳于宣

癸酉夏余捧檄來莅茲土欲考山川形勝人物風俗城池賦役之詳而徵於邑乘則前大尹于君重修授錢尙未訖事也越月趣之董事者曰河山其如故矣惟前志距今八十年仰沐

聖朝雅化孝義節烈文物衣冠歲有其人值兩使君更代

會同縣志

序

入

格不合例而爭耀家聲者日聚訟於秉筆之門非公折中之伊於胡底予曰信然夫善善欲長本予素志竟聽其濫焉則穢史矣爰取前冊及續入新冊考之軼事訪之里老確有實據始行編載又半載厥功乃竣是役也前大尹暨諸紳士苦心圖成予何敢掠美然名物行誼諸條頗於去取間稍寓彰輝俾後之都人士以及愚夫愚婦莫不爭自砥行礪名以期垂於不朽是予之所厚望也夫

重修會同縣志目錄

首卷

圖考

縣境圖

縣城圖

縣署圖

文廟圖

八景圖

卷一

方輿志

分野

沿革

疆域

山水

卷二

建置志

會同縣志

目錄

九

城池

公署

壇廟

街坊

里村

市鎮

津梁

卷三

食貨志

戶口

田賦

起解

存留

屯田

雜稅

惠恤

物產

卷四

學校志

學宮

崇祀

欽頒

附錄

學額 書院附學田

卷五

典禮志

朝賀

開讀

上任

迎春

耕籍

宣講

鄉飲養老附

送學

賓興

講書

相見

卷六

祔祀志

廟祀

壇祀

祈禱

救護

家祭

會同縣志

目錄

十

卷七

兵防志

兵制

邊防

鋪遞

武功武納附

卷八

秩官志

職官

名宦

政績

卷九

選舉志

入籍流寓附 薦辟

進士

舉人附榜 武進士

武舉人

貢生 封贈 蔭襲

捐職

卷十

人物志

孝友

忠義

宦業

文苑

賢良

耆壽

方外方技附

卷十一

列女志

節孝

節烈貞女附 賢壽

卷十二

會同縣志

目錄

十一

藝文志

文

詩

卷十三

形勝志

形勢

古蹟墳墓附

廟祠

官館

菴寺

堂殿

觀閣

風俗

卷十四

外紀志

災異

雜識

補遺

重修會同縣志凡例

一會同志前明嘉靖甲子年蕭令標創始

國朝康熙癸丑歲曹令興隆續修而其原本搜採不

可得乾隆癸酉再續於于令文駿嘉慶己卯三續

於朱令樹二志各立規模條縷備具然于志綱舉

目張朱志則分卷列目而無綱是編分綱列目畧

仿于志之舊云

一舊志列戶口田賦於城池之前殊爲失次蓋則壤

成賦必建置定而後民事興豈有疆域未分城池

未立而遂亟亟於賦役耶是編故提建置於食貨

之前

會同縣志

凡例

十二

一舊志闕食貨一門不知民爲邦本食爲民天故洪

範入政食貨爲先是編另立食貨志於學校之前

庶不失先養後教之意

一秩祀俱宜崇重而

文廟爲育賢重地二丁爲尊

聖鉅典其間禮樂祭品與佾舞等儀不可或畧今照闕里

志繪圖添載邊邑雖缺而不全亦欲使後之莅治

者有所考據以求明備至於羣廟壇壝凡有事於

神明者均未可畧故並登之

一秩官志所載名宦政績必詳稽博訪確查其實有

功德於民者方爲立傳所以表前賢而勸後牧也

一選舉首載入籍以初隸之祖類皆積累培植其後
人始得與科甲登仕版世濟其美茲爲溯其所自
始亦先河後海之意

一舊志編列女於人物志內究屬不倫今分爲二人
物之目凡八列女之目凡四要皆按類分編按序

遞載

一志乘只載一邑事實凡所見異詞所聞異詞訪查
未確者自當存疑以俟博考故外紀一門所編甚

少

一舊志所登人物仍爲存錄今各里採訪送稿來局
雖曰善善從長亦必輿論僉同方依類編載不致

阿私

一邑志自己卯修後垂五十餘年况疊經兵燹采輯
尤難今雖與邑人士編纂成稿不無挂漏遺誤之
處蒐羅訂正是所望於後之續修者

會同縣志

凡例

十三

重修會同縣志卷首

圖考

昔重華御宇西王母獻益地圖未審其圖何似職方司所掌合爲天下之全圖析爲各省之分圖蓋極詳且備矣然欲各州縣皆爲之圖則其勢誠有所不能而各縣可不自爲之圖哉舊志各圖僅繪其畧而凡境內之山川谿徑向背往來未甚精審今悉加增繪不惟郊圻剴然卽村堡場墟莫不備具庶幾舉一邑之遼闊幽隱坐收諸眉睫之間爰志圖考以冠諸首

會同縣志

卷首 圖考


十四




會同縣志

圖卷首 圖考

四




學宮圖



會同縣志


卷首 八卦圖

五



油泥泉瑞






三山倒影

攬勝步
城東芙蓉開並蒂
薰風自南來
芬馥侵襟袂相對問
花休徵吐秘

蘭臯瑜



榴花蜂秀

父老傳仙井清
泉一劍
開千秋仍澤沸多
口費凝
猜柳色依城曲桃花映
石臺臨
流憑借問何日復重來

蘭臯瑜

北作山城鎮巍然倚天秀
縹緲復嶙峋
森森露骨瘦朝夕
欄時有雲來宿

蘭臯瑜

會同縣志

卷首 八景圖

八



洪鈞幻鑄物蓮洞何窈窕
山麓抱清流
一線縹緲好脂粉
媚幽花笙
歌奏埜鳥閒盡日眠老衲
終莫掃俯瞰
城如畫烟霏時繚曉

蘭臯瑜

會同縣志

卷首 八景圖

九




城南二里餘岩屋雲深貯綫
水引人清
登臨
天尺五誰劈三間勻縹緲凌
霄處松篁交鬱蔭幽奇任領
取天造地設成神工兼鬼斧
晴霽抹烟嵐應是王維譜

蘭臯嘉瑜

會同縣志

卷首 八景圖

十



青陂晚霧


游息臨
青陂畫意來清曉
輕露
薄如紗
宴賞恣憑眺拂石坐
舒
眸塵襟盡一掃

蘭臯嘉瑜

會同縣志

卷首 八景圖

十一



江夜月
禹政寫

沅水何清幽宵來景更異
 海嶠出冰輪疑是驪龍珠
 沉輝真可意
 玩賞乘扁舟
 杯竿休辭醉
 頓忘夜何其

蘭阜瑜



金龍曉翠
 蘭溪成園

矗起金龍巔萬山如拱揖
 黔粵暨湘湖風
 烟收一畢晚翠更鮮
 妍仰視遙堪摘

蘭阜瑜